
Cancion ‘Boom Bam’ a bira roadjam

ORANJESTAD (AAN): E emisoranan local na Aruba cu semper ta encarga pa saca e cancion cu ta mas toca durante paradanan, a dicidi Diadomingo merdia pa saca e cancion cover “Boom Bam” di Youth Xtr3me como Road Jam.

E cancion mes a sali fin di 2019, di e cantante Lashley Winter conoci como Motto procedente di St. Lucia. El a titula e cancion “Shots”.

E grupo local Youth Xtr3me cu su autorizacion, a traha un cover y a adapta e cancion di cierto forma, y a inclui un kick den dje cu mesora a pega cerca esnan cu a scuche pa prome biaha. Combina cu un estilo diferente di baile, el a bira e hit instantaneo di Carnaval 2020.

E cover tabata asina bon, cu hasta e autor original na St. Lucia a manda felicita Youth Xtr3me pa e adaptacion.